

國

朝

列

卿

紀

國朝列卿紀卷之一百二十一

巡撫山東兼理督田序

山東古青兗二州地漢置青州部刺史領北海濟

五郡高密膠東淄川城陽四國又置兗州部刺史領東泰山濰  
陰平原清河渤海千乘七郡東平一國後漢刺史如故兗治昌  
邑青治臨淄唐置河南河北二道採訪處置使而河南治汴河  
北治魏以青兗諸郡分隸焉宋置京東東路京東西路河北東  
路三安撫司並以守臣兼領元以山東直隸省部置山東東西  
道宣慰司治益都又置山東東西道肅政廉訪司治濟南本  
朝置山東等處承宣布政使司領濟南兗州東昌青州登州萊

州六府置山東都指揮使司領濟南青州左登州大嵩濟寧東  
昌寧海靈山成山平山熬山靖海安東威海萊州臨清十六衛  
東平肥城膠州諸城滕縣五所又置山東等處提刑按察司分  
濟南東兗海石二道兼察諸府衛所布按二司俱治濟南都司  
初治青州後亦遷治濟南自永樂十六年遣侍郎鄭剛巡視事  
竣則止無定員歷宣德五年初遣刑部侍郎曹弘正統五年遣  
大理寺少卿張驥出巡撫地方尚未設至正統十三年土木  
之變宇內多事遣都御史洪英出撫遂相沿至今凡以鎮奠東  
土作屏翰也但齊地負海瀉鹵少五穀河濟卑下水之所沮洳  
者爲多又東南財賦由此輸達京師一切輸輓供應并開礦泉

溜諸夫役悉征自丁田民恤然苦之加以俗崇獷習恣剽掠爲  
奸號稱鄙野難治推孔子所以變齊魯者而固邦本使九重  
無東顧之憂奚容於外求也哉今詳各官宦履於後其行實見  
於事紀其勳德茂著者表爲列傳若勅使併有事茲土者另

附於首云

列鄉紀卷之一百二十

勅使山東尚書侍郎都御史年表

蔣廷瓚

直隸滑縣人永樂八年以工部右侍郎清莒莒民戶詳工部侍郎

鄭剛

河南南陽人永樂九年以工部右侍郎巡視山東江淮踰年卒於官詳工部右侍郎

賈諒

山東嶧縣人宣德八年以都察院右副都御史督山東等處陶冶

李郁

河南洛陽人正統元年以行在兵部右侍郎救荒本年事竣還部

孫曰良

江西豐城人永樂辛卯進士正統二年以右副都鎮守臨清年致仕

江淵

四川江津人景泰五年以學士撫安山東

賈俊

直隸東鹿人成化二十二年鎮守臨清詳工部尚書

何鑑

見巡撫弘治十四年以刑部左侍郎賑兗州等處荒

李璵

河南湯陰人弘治十六年以工部侍郎陞山東視漕

王璣

山西太原人正德六年以戶部侍郎兼僉都御史賑恤畿甸山東

巡撫山東尚書都御史年表

曹弘

湖廣益陽人永樂乙未進士宣德五年以工部右侍郎巡撫山東并淮南詳刑部侍郎

張驥

陝西安化人永樂中鄉舉正統五年以大理寺少卿巡撫

洪英

福建懷安人進士正統十三年以左副都御史任景泰二年陞右都御史鎮守浙江詳浙江

薛希璉

浙江麗水人進士景泰四年以刑部尚書巡撫詳南京刑部尚書

林聰

福建寧德人進士天順元年以左僉都御史任詳刑部尚書

年富

直隸懷遠人舉人天順元年以左副都御史任詳戶部尚書

賈鈐

直隸邯鄲人進士天順四年以左副都御史任詳都察院副都

原傑

山西陽曲人進士成化二年以左副都御史任詳南京兵部尚書

翁世資

福建莆田人進士成化五年以右副都御史任詳戶部尚書

牟倬

四川巴縣人進士成化八年以右僉都御史任詳應天巡撫

盛頤

直隸無錫人景泰辛未進士成化十九年以左副都御史任二十一年致仕

吳節

四川眉州人景泰甲戌進士成化二十二年以右副都御史任二十三年致仕

錢鈺

浙江仁和人進士弘治元年以右僉都御史任詳貴州巡撫副都

王霽

直隸上海人進士弘治三年以右僉都御史任詳大理寺卿

熊種

河南光州人進士弘治八年以右僉都御史任詳南京戶部尚書

何鑑

浙江新昌人進士弘治十年以右副都御史任詳兵部尚書

徐源

直隸長洲人成化乙未進士弘治十二年以右副都御史任本年致仕

五儼 湖廣華容人進士弘治十二年以右副都御史任詳戶部左侍郎

朱鈇 福建邵武人成化壬辰進士弘治十三年以右副都御史任正德二年忤逆瑾致仕

張鳳 江西宜春人進士正德五年以右副都御史任詳應天巡撫副都

邊憲 直隸任丘人進士正德六年以右副都御史任本年除名詳南京刑部尚書左都

趙瓚 江西安福人進士正德七年以右副都御史任詳工部尚書

黃瓚 直隸儀真人進士正德十年以右副都御史任詳南京兵部右侍郎

沈林 直隸長洲人成化辛丑進士正德十三年由貴州右僉都陞右副都御史任十四年罷任

王珙 直隸澤州人進士正德十四年以左僉都御史任詳兵部右侍郎

陳鳳梧 江西泰和人進士正德十六年以右副都御史任詳應天巡撫右都

王堯封 直隸定興人進士嘉靖二年以右僉都御史任七年加右副都詳南京兵部尚書



劉節

江西大庾人進士嘉靖八年以右副都御史任詳刑部右侍郎

邵錫

三隸安州人正德戊辰進士嘉靖九年以右副都御史任十一年被劾聽勘後起順天府尹

袁宗儒

直隸雄縣人進士嘉靖十一年以右僉都御史任詳戶部左侍郎

唐胄

廣東瓊山人進士嘉靖十二年以右副都御史任詳戶部左侍郎

管楫

陝西咸寧人正德辛未進士嘉靖十三年以右副都御史任十四年養病

蔡經

福建侯官人進士嘉靖十四年以右僉都御史任詳湖直總制兵部尚書

胡纘宗

陝西秦安人進士嘉靖十五年以右副都御史任詳河南巡撫

曹蘭

陝西咸寧人正德辛未進士嘉靖十七年以右副都御史任十八年致仕

李中

江西吉水人進士嘉靖十八年以右副都御史任詳南京總諸

曾銑

直隸江都人進士嘉靖二十年以右僉都御史任二十二年加右副都詳陝西三邊總督右都

端廷赦

直隸當塗人進士嘉靖二十三年以右僉都御史任詳南院右都

婁志德

河南項城人進士嘉靖二十四年以右副都御史任

何鰲

浙江山陰人進士嘉靖二十四年以右副都御史任二十六六年逮獄謫福建參議詳刑部尚書

彭黯

江西安福人嘉靖癸未進士二十六年以右僉都御史任詳南京工部尚書

駱顯

四川富順人嘉靖癸未進士二十七年以右僉都御史任詳戶部侍郎

應檟

浙江遂昌人嘉靖丙戌進士二十八年以右僉都御史任詳兩廣侍郎

應大猷

浙江仙居人正德甲戌進士嘉靖二十八年以右僉都御史任詳刑部尚書

王積

直隸儀真人正德辛巳進士嘉靖二十九年以右副都御史任詳南京兵部侍郎

王忬

直隸太倉人嘉靖辛丑進士三十年以右僉都御史任詳遼東總督右都

沈應龍

浙江烏程人嘉靖乙未進士三十一年以右副都御史任三十三年閩佐

劉采

湖廣麻城人嘉靖己丑進士三十三年以右副都御史任詳南京戶部尚書

傅頤

湖廣沔陽人嘉靖壬辰進士三十六年以右副都御史任詳總督京儲侍郎

丁以中

江西新建人嘉靖戊戌進士三十六年以右副都御史任詳南京兵部侍郎

朱衡

江西萬安人嘉靖壬辰進士三十九年以右副都御史任四十年陞工部右侍郎詳工部尚書

謝東山

四川射洪人嘉靖辛丑進士四十年以右副都御史任四十一年開任

張鑑

四川南充人嘉靖甲辰進士四十二年以右副都御史任四十二年丁憂

鮑象賢

直隸欽縣人嘉靖己丑進士四十二年以戶部尚書兼僉都任陞兵部左侍郎

霍冀

山西孝義人嘉靖甲辰進士四十四年以戶部右侍郎兼僉都任陞兵部左侍郎

翁大立

浙江餘杭人嘉靖戊戌進士四十五年以右副都御史任

洪朝選

福建南安人嘉靖辛丑進士四十五年以右副都御史任

姜廷頤

湖廣巴陵人嘉靖甲辰進士隆慶元年以南光祿寺卿推右副都御史任

李世達

陝西涇陽人嘉靖丙辰進士萬曆二年四月由南太僕寺卿陞右僉都任五年陞總理河道右副都

梁夢龍

直隸真定人嘉靖癸丑進士隆慶四年以右僉都御史任政撫河南

傅希摯

直隸衡水人嘉靖丙辰進士隆慶五年由順天府丞陞右僉都任萬曆二年改總理河道

趙賢

河南汝陽人嘉靖丙辰進士萬曆五年以右副都任七年陞吏部右侍郎

何起鳴

四川內江人嘉靖己未進士萬曆七年由貴州巡撫陞右副都任九年改大理寺卿

楊俊民

山西蒲州人嘉靖壬戌進士萬曆九年由陞右副都任十年陞兵部左侍郎未任丁憂

陸樹德

直隸華亭人嘉靖乙丑進士萬曆十年由太僕寺卿陞右僉都任十一年奏病

李輔

江西進賢人嘉靖己未進士萬曆十一年十二月由太常寺卿陞右副都御史任十四年陞協院左

李戴

河南延津人隆慶戊辰進士萬曆十四年由西左布政陞右副都任十七年陞明右侍郎

宋應昌

浙江仁和人嘉靖乙丑進士萬曆十七年出為建左布政陞右副都御史任

勅使山東行實

蔣廷瓚字邦瑞直隸滑縣人洪武中薦舉永樂七年歷工部右侍郎八年命清苳苳等郡民戶九年命濬黃河十一年改貴州左布政使詳國初工部侍郎

鄭剛字 [REDACTED] 河南南陽人監生永樂七年任工部右侍郎侍

東宮九年命巡視山東江淮地方救荒撫民詳國初工部

賈諒字子信山東嶧縣人永樂辛卯鄉舉宣德五年歷都察院右副都御史八年命督山東等處陶冶奏減工程蠲免虛數民力以紓正統元年命巡視淮濟賑活饑民督築固安隄河道疏通人不知勞詳都察院

李郁字文燁河南洛陽人洪武丙子鄉舉宣德十年任行在兵部右侍郎正統元年奉命鎮守山東所以彌贊機務綱維百辟與夫邊防之扼塞窮國之隱情靡不經理由是烽埃不警民物安堵還京復命持節使交趾詳南京兵部侍郎

孫曰良字三江西南昌府豐城縣人永樂辛卯進士正統二年以都察院右副都御史鎮守臨清年致仕

江淵字世用四川江津縣人宣德庚戌進士景泰五年以直內閣戶部右侍郎兼翰林院學士同平江伯陳豫撫安山東河南詳工部尚書

賈俊字

直隸東鹿縣人景泰庚午鄉舉成化二十二年以

工部左侍郎鎮守臨清詳工部尚書

何鑑見巡撫弘治十四年以刑部左侍郎賑兗州等處荒

李鏊字時器河南湯陰縣人成化壬辰進士歷工部左侍郎弘  
治十六年 命往山東視漕上言堽城之壩毋毀沈河之塞毋  
通浚泉疏水漕利可復又請祀尚書宋禮俱報可甲子政命經  
理密雲邊備詳工部尚書

王瓊字德華山西太原縣人成化甲辰進士歷南京戶部右侍  
郎丁憂六年起戶部右侍郎兼左僉都御史賑恤畿甸山東地  
方七年陞戶部左侍郎詳吏部尚書

巡撫山東行實



曹弘字

湖廣益陽縣人永樂乙未進士歷刑部員外郎宣

德五年陞刑部右侍郎巡撫山東并淮南等處驗地肥瘠均徭  
役儲穀粟給賑濟俵牛種簡孽牧殺婚娶民甚德之詳刑部

張驥字

陝西慶陽府安化縣人永樂中領鄉薦宣德中拜

監察御史正統初年陞大理寺右少卿五年山東饑荒特命巡  
撫多所全活十年命撫浙江卒於官

洪英字

福建福州府懷安縣人永樂乙未進士授吏部文

選主事正統十三年以左副都御史巡撫景泰三年以沿黃河  
功陞右副都御史鎮守浙江詳浙江巡視

薛希璉字廷器浙江處州府麗水縣人宣德庚戌進士景泰三

年以刑部尚書巡撫山東地方考察官吏獲惡二百五十餘人  
頃之旱蝗禱於泰山雨集蝗息經營賑貸活饑民百八十餘萬  
天順元年改南京刑部尚書詳南京刑部

林聰字秀聰福建福寧州寧德縣人正統己未進士天順元年  
以都察院左僉都御史賑山東饑荒聰詢核能官散詣村落給  
食及醫藥全活數十萬本年回院歷右副都御史詳刑部尚書  
年竈字大有直隸懷遠縣人永樂丁酉舉人天順元年以左副  
都御史任富按行青濟諸郡官吏長服奸豪屏迹有夷人居東  
昌者多頽穢弗率其首某姓尤甚其富慮爲患乃言於朝因  
其來京留之以消其不逞之謀其戶部尚書詳戶部

國朝列傳卷之二十一  
賈銓字秉鈞直隸廣平府邯鄲縣人永樂甲辰進士任雲南左  
布政使天順四年以都察院左副都御史任便宜行事爲政務  
率實而耻浮名成化二年改理院事詳都察院

原傑字子英山西太原府陽曲縣人正統乙丑進士任山東左  
布政使成化二年以都察院左副都御史任孤介有爲觸法者  
不少貸五年遷戶部左侍郎以憂去後起巡視江西歷都察院  
左副都御史巡治荆襄鄖陽等處進右都御史陞南京兵部尚  
書詳南京兵部

翁世資字資甫福建興化府莆田縣人正統壬戌進士歷工部  
右侍郎謫衡州知府成化元年陞江西左布政使五年以右副

都御史任東士大饑世資講求荒政發廩勸賑遣官分道賑恤  
民賴以濟八年陞戶部左侍郎歷戶部尚書詳戶部

牟俸字

四川重慶府巴縣人景泰辛未進士成化八年由

太僕寺卿陞右副都御史任十年遷巡撫應天右副都御史詳  
應天巡撫

盛顯字時望直隸常州府無錫縣人正統辛酉舉京闈景泰辛  
未登進士第首擢河南道監察御史尋以老成掌道事時初經  
已巳之變 朝廷懲前政委靡之失稍開言路一時言事者毛  
舉細故攻訐陰私以張直聲顯獨顧大體惜人才掩其疵疾不  
爲已甚善類賴之嘗兩奉命出按淮揚時值歲大歉發倉賑貧

全活者甚衆按閩時適當大比拔賢振滯是科得人爲盛英  
期復辟之初權臣之冒功者朋比爲奸鑿空起邊釁欲樹奇功  
以益其跡率師闖塞卽邊虜因乘之而入十二道御史欲有言  
同事有洩之者被先入愬於上誣御史中有與被繫內臣張  
永同族者欲爲之報復以激上怒卽逮所誣御史下獄明日  
衆御史章始上上御便殿召衆人盛氣待之擲章付御史誦  
之至半上曰止摘章中所條事折之令其分疏復諭之以終  
誦上意稍悟然重違權臣意姑從輕典凡列名者俱調外任  
頤時掌河南道事出知保定之東鹿縣先是權臣啟邊釁其勢  
熾可畏人無敢言者頤首與同官冰水張鵬謀謂事干軍國其

等官臺憲烏可畏禍不言張以爲然卽入謀之兵科都給事中  
汪茲約以章交上機事因之而失時聯官者皆未知也亟召入  
永平周賓倉卒誦所上章音吐洪亮畧無阻滯及對 上之言  
辭直理正天下聞而壯之而不知首啟其謀者盛公也由是直  
聲凜凜聞天下其知東鹿也邑多顯宦往往怙勢爲不法聞顯  
至相戒曰是嘗劾奏石總兵者其人不可犯也顯變搏擊以爲  
撫循吏畏而民安之未幾丁內艱去民留之不可俟其服闋相  
率詣闕乞顛顛得再任不復用刑法有爭訟者諭之以理輒叩  
首聽受不復辯鄰邑聞之訟多年不決者各來請判於顯顯折  
以片言各心服而去時人有清如水明如鏡之謠邑界真保間

四境之民雖非治亦聞風趨赴郊外有荒地自然聚以成市邑人因目以清官店既去任民築亭爲立去思碑歲甲申權守邵武行所無事不動聲色而郡大化既而巡撫都憲以延平民狡而事繁請於朝移顧治之延平與邵接境聞其政聲有素莫不革心向化巡按御史錄顧兩郡政績請旌異於朝癸巳陞廣西叅政專督糧餉丙申陞雲南右布政使丁外艱十五年己亥服闋改陝西十六年陞左時廣西殘破之餘委曲措注民夷賴以不擾陝西地臨三邊邊報無虛月適歲多歉顧調度有方而餽餉不缺十八年壬寅入爲刑部右侍郎佐其長以明刑恒舉歐陽公求生不得則死無憾之語爲僚屬告有深文巧抵者

輒不樂之刑用是平僅再閱月調南京蓋當道者之鄉人有欲  
得顯處者或以爲言顓曰吾南人往官於南固其所也十九年  
山東旱饑盜賊將乘之而起 廷議建遣大臣巡撫僉曰無如

盛時望者改都察院左副都御史乘驛往命至卽日就道甫下  
車禱於天雨卽大注枯槁復甦顓多方設法凡前人救荒之政  
於今有益者次第修舉而又因時之宜條數十策行下所司民  
賴以濟賑卹之餘所儲尚百餘萬又有餘力以及於前代聖賢  
有功於齊魯者爲之建祠宇以報祀之其山東之政大抵以黜  
貪暴表忠良除苛政以固民心爲本在山東三年齊俗翕然以  
變二十一年以年近七十以老疾上章乞致仕 上以其情辭



懇切從之馳驛歸至徐州適所部有大獄以顯知其始終有

旨命鞠之獄成後歸自家食時家事一以付其弟願至是抵家伯仲怡怡友愛加篤於家事一不問願爲之構方塘書院登山鑿池蒔花植種以爲娛老之地時靜坐一室焚香讀書以自適泊如也歲丁未以上皇太后徽號恩進一階家居者六閱寒暑以歲壬子卒年七十有五

吳節字



四川眉州人景泰甲戌進士授南京戶部主事歷

本部郎中成化



年陞岳州知府十二年陞河南右叅政十七

年陞河南右布政使十九年陞河南左布政使二十二年陞都察院右副都御史巡撫山東地方二十三年致仕

錢鉞字

浙江杭州府仁和县人天順甲申進士弘治元年以右僉都御史任三年改撫河南歷南京光祿寺卿丁憂起大僕寺卿撫貴州右副都御史詳貴州巡撫

王霽字景明直隸松江府上海縣人天順庚辰進士弘治三年由太僕寺卿陞右僉都御史任值歲大稔行救荒之政焦勞區畫得銀五萬米二百萬選賢良驗口給之又作糜以食人賴以全活流移漸歸八年遷大理寺卿詳大理寺

熊翀字騰霄河南汝寧府光州人成化己丑進士授武進知縣擢御史巡按江西弘治八年以右僉都御史任十年遷撫陝西右副都御史歷南京戶部尚書詳南京戶部

何鑑字世光浙江紹興府新昌縣人成化己丑進士弘治十年以右副都御史巡撫山東衝地驛夫等歲役四五萬人民不堪命乃度繁簡酌定里分分派立爲定規臨德倉場權貴攬剋納充巡捕害民者悉發戍關里災開拓增建計十五萬皆取於抽分十二年遷刑部右侍郎命訊周府大獄稱 旨賜羊酒寶楮陞左侍郎十四年山東死州等府旱奉 勅便宜賑濟首陳五事悉報可時巨盜弄兵命有司賑濟招撫流亡丁內艱歷兵部尚書詳兵部

徐源字仲山直隸蘇州府長洲縣人成化乙酉占南畿鄉薦乙未登進士第授工部都水司主事理徂徠等處泉源改兵部武

市司主事歷職方司員外郎武選司郎中弘治六年陞廣東左  
叅政八年陞浙江右布政十年陞湖廣左布政使十二年陞都  
察院右副都御史巡撫山東初武選最號劇司公至洗心自誓  
一意奉公權貴請囑戒門者一切勿通而籍其姓名若將行罰  
者囑賄遂絕時天下武功爵幾二十萬坐耗天下絕嗣者以疎  
遠襲公奏宗派許襲傍支者一切罷之大革冗濫舊例以罪在  
者落職公謂罪有輕重以笞杖而革其職不已甚乎人又樂其  
寬大司馬公甚委重之廣東勦雲貴猱獍公督糧水陸並進觸  
瘴癘深入師以克濟山東歲饑公與刑部侍郎何分行賑濟劄  
臨清倉米八萬有奇以補歲漕之數明年徵償公奏民賴拯給

稍蘇而又遽征之何殊弗給詔免與民 涇王就封於沂以水  
涸將由陸之國民爲騷動公檄所司姑緩之亟發卒濟河水旋  
至坦然之國公私無擾公凡三蒞塲屋浙藩拆卷多儒士御史  
意欲有所前却公曰科場所取者文卽通榜儒士何傷山東欲  
銀將於鹿鳴宴臚士公曰方筮仕而示以利非爲政之體乃已  
嘗代祀岳鎮東海齋之夕應時澍雨闕里文廟成有白金文綺  
之賜累疏乞致仕詔馳驛以歸公溫粹寬仁人稱長者而臨事  
執守堅定雖當官蒞政未嘗一日去書不觀文章博雅尤喜爲  
詩力去近世尖新之習書有米家父子風

王儼字民望湖廣華容縣人成化己丑進士授主事歷工部員

外郎郎中知府河南左叅政陝西右布政使轉左弘治十二年  
以右副都御史任十三年遷戶部右侍郎歷左侍郎督宣大邊  
儲許戶部

朱欽字

福建邵武府邵武縣人成化壬辰進士弘治十六

年任湖廣左布政使十八年陞都察院右副都御史巡撫山東  
正德二年忤逆瑾被拏致仕

張鳳字應時江西袁州府宜春縣人成化辛丑進士正德五年  
以右僉都御史總理糧儲巡撫應天政令繁苛本年以人言改  
山東巡撫補盜六年被巡視侍郎楊潭所劾以副都歸休卒

邊憲字汝成直隸任丘縣人成化甲辰進士授推官擢御史所

至有聲陞淮安知府正德二年陞浙江副使陞按察使遷右布政使六年以右副都御史任七年免官後起撫寧夏歷改都察院左都御史未任卒詳南京刑部并都察院

趙璜字庭實江西安福縣人弘治庚戌進士歷巡撫宣府右僉都正德七年山東寇起以右副都御史奉勅以行擇藩臬分賑之脇從聽撫凡賦役徵輸曲計處之民用大甦修闕里止鎮守巡歷所屬革其歲取柴薪之值禁倖臣錢寧鬻鈔黃河退灘地璜招流民懇爲田番僧奏乞起科璜爭之十年遷總理河道歷順天巡撫工部左右侍郎尚書詳工部

黃瓚字公獻直隸揚州府儀真縣人成化甲辰進士弘治改元

授南京戶部廣西司主事歷應天府尹正德十年以右副都御史任兵寇之餘躬儉朴爲諸司先歲旱躬禱雨雪輒應民德之疏乞省臨清鎮守太監下部知之十三年遷南京兵部右侍郎詳南京兵部

沈林字材美直隸蘇州府長洲縣人少好學成化甲午占應天鄉試辛丑進士時方重內輕外或謂公有倖門可得內除公不從出知晉州州人情而竊公教之樹藝教之積蓄修城垣興學教民間利病以次罷行州之人皆欣然曰小沈吾父母也時年未三十故云弘治己酉進南京刑部員外郎五年命本部湖廣司郎中出知四川順慶府始至庭叅鎮守鎮守驕蹇不爲禮公



一拜而起鎮守怒曰一拜禮乎公曰若不以禮自處安能以禮責人不顧而出巡行二州八邑之間覽觀風土詢求民瘼俗喜告訐株連蔓引動至百人公一見立決無所牽引人甚便之郡學湫隘文廟列堂之右撤而遷之建御書樓增置費舍齋廬庖庫祭器又增樂舞生教以聲容舞蹈之節暇則親臨試解講懇懇無倦士儒皆奮文獻遂爲諸郡甲郡故無城郭乃鑿西山之石仍溝洫物土方度高卑厚薄俄遷雲南叅政後守繼成之及蜀寇藍廖輩倡亂所過殘破屢至順慶不能入遠近來依保障民益思之至雲南文人忽耀兵境上遠近惟懼公曰吾在此無恐吾請以身當之而乃訖無事正德丁卯入賀 聖節時逆瑾

盜政內外官守罔不叅謁公固不往瑾嘆之銓曹屢上公政不報最後擬山西布政命甫下瑾已遣邏卒詢公公行遇之途乘傳白瑾有石文義者適在傍曰沈良吏也文義蓋未嘗識公而聞公名瑾爲免逮繫下巡按御史問狀家人思禍不測規以賄免御史亦故緩其獄使得爲計公曰無庸隳官祿與隳名節孰重竟落職爲民罰米輸大同又輸沿途傭直怡然以歸五年逆瑾伏誅言者奏起公爲廣西左布政使單車就道一如雲南之治近世有所謂公堂錢者多出賦稅之羨名曰公堂實歸私篋雖號良有司亦然公亦無所染凡修葺廨宇立牌坊則取之又以其餘鎔範盃斝之屬爲公府宴饗用時巡撫巡按交章剡薦

遂進都察院右副都御史巡撫貴州兼理軍務時鎮筮銅仁烏羅等苗屢出劫掠爲患前撫臣率以化外羈縻不究公曰是不一剪刈且滋蔓難圖也率勵將士爲深入計預給牌旗招徠安輯諸寨皆歸附天生厓固恃險攻之蘭石毒矢交下人莫敢嚮邇公調兵先截其餉道賊已困火鎗飛礮繼之賊大窘奔竄俘其衆千餘牛羊器械無算陳家孟溪九十七寨相率來歸給以流官悉隸貴前一二衛庶革土官貪殘積弊自是內境晏然初藍鄔二寇橫行蜀中數年 朝廷大發兵剪之公懇奔近鄰境爲患分兵守諸要害蜀寇平盪有犄角之助焉癸酉聞奉直公計乞歸守制 朝廷遣官諭祭服闋詔起撫山東公在費用兵勞

勤成疾繼以衰毀在途病加劇遂固乞致仕詔命馳驛以歸家  
居四年辛巳卒壽六十九

王翊字

直隸永平府灤州人弘治己未進士正德十一年

由巡撫山西降浙江右叅議十四年以左僉都御史任十六年  
陞巡撫陝西右副都御史歷南大理寺卿兵部右侍郎詳兵部  
陳鳳梧字文鳴江西吉安府泰和縣人弘治丙辰進士授刑部  
主事歷山西左布政使正德十六年以右副都御史任嘉靖二  
年遷南院歷南吏部右侍郎巡撫應天右都御史詳應天巡撫  
王堯封字  
直隸保定府定興縣人弘治乙丑進士歷順天  
府丞嘉靖二年以右僉都御史任七年陞右副都御史仍前任

八年改巡視閩浙閑任再起巡撫陝西歷提督江防南京工戶  
二部右侍郎都察院右都御史總儲戶部尚書致仕再起南京  
兵部尚書詳南京兵部尚書

劉節字介夫江西南安府大庾縣人弘治乙丑進士正德八年  
任四川提學僉事十五年任廣西提學副使嘉靖八年以右副  
都御史任九年遷總督漕運歷刑部右侍郎詳刑部

邵錫字

直隸保定府安州人

嘉靖九年以

右副都御史任十一年被劾聽勘後起順天府尹

袁宗儒字

直隸保定府雄縣人正德戊辰進士嘉靖十一

年以右僉都御史任十二年致仕後起佐院歷南京戶部右侍

郎戶部左右侍郎詳戶部

唐胄字

廣東瓊州府瓊山縣人弘治壬戌進士授戶部廣

西司主事陞戶部河南司員外郎嘉靖三年任廣西提學僉事  
六年陞雲南提督學校副使十二年以右副都御史提督南贛  
汀漳軍務本年改任十三年遷南京戶部右侍郎十五年歷戶  
部左侍郎詳戶部

管楫字

陝西西安府咸寧縣人正德辛未進士授刑部浙

江司主事八年改吏部驗封司主事十年調考功司主事本年  
陞稽勲司員外郎十二年調考功司十三年改文選司員外郎  
十四年陞稽勲司郎中本年養病嘉靖六年起驗封司本年改

平定縣志卷之二十一  
考功司郎中七年陞騰黃左通政十年陞太常寺卿提督四夷  
館十三年陞都察院右副都御史巡撫山東十四年養病

蔡經字

福建福州府侯官縣人正德丁丑進士授嘉興知

縣擢吏科給事中歷大理寺右少卿嘉靖十四年以右僉都御  
史任十五年回都察院歷右副都御史改兵部右侍郎兼左僉  
都御史總制兩廣加兵部尚書丁憂詳兩廣總制

胡纘宗字

陝西鞏昌府秦安縣人正德戊辰進士嘉靖十

五年任河南左布政使陞右副都御史任十七年改治河道歷  
撫河南地方詳河南巡撫

曹蘭字

陝西西安府咸寧縣人正德辛未進士

嘉靖十一年任左布政使十五年陞順天府尹十七年陞都察院右副都御史巡撫山東十八年致仕

李中字子庸江西吉安府吉水縣人正德甲戌進士嘉靖十八年以右副都御史任二十年改總督南京糧儲詳南京總儲

曾銑字子重直隸揚州府江都縣籍浙江台州府黃巖縣人嘉靖己丑進士任大理寺左寺丞二十年以右僉都御史任二十二年加右副都御史仍前任二十三年遷巡撫山西歷總督二邊詳二邊總督

端廷赦字世恩直隸太平府當塗縣人正德辛巳進士歷順天府丞嘉靖二十三年以右僉都御史任二十四年陞都察院左



副都御史被劾未任聽勘後起巡撫河南

婁志德字

河南項城縣人正德丁丑進士歷南太常寺卿

二十四年陞右副都御史巡撫山東

何鰲字

浙江紹興府山陰縣人正德丁丑進士嘉靖二十

四年以右副都御史任二十六年逮獄謫福建叅議歷應天府  
府丞總理河道右僉都御史

彭黯字道顯江西吉安府安福縣人嘉靖癸未進士歷光祿寺

卿二十六年以右僉都御史任二十七年陞撫河南歷刑部右

侍郎

駱頤字君平四川叙州府富順縣人嘉靖癸未進士二十七年

以光祿寺卿陞右僉都御史任本年陞大理寺卿歷戶部右侍郎

應檀字子材浙江處州府遂昌縣人嘉靖丙戌進士二十二年任湖廣提學副使歷

本年改撫山西詳兩廣總督

應大猷字

浙江台州府仙居人正德甲戌進士嘉靖二十二年

任吏部文選司主事四年陞考功司員外郎本年陞稽勳司郎中嶄然自樹不與世降趨五年養病乞休十二年起陞江西右叅政二十五年陞右僉都御史巡撫雲南二十六年改撫四川不毀節驩貴人以納欵澤忤輔臣夏貴溪會大計事竣公循例

條舉察屬嗾言官劾之妄指有舉無劾削爲民二十八年起撫  
山東

王積字子崇直隸儀真縣人正德辛巳進士二十九年以右副  
都御史任詳南京兵部

國朝列卿紀卷之一百二十一終

國朝列卿紀卷之一百二十二

巡撫山西提督鴈門等關叙

山西古冀州地漢分冀州西境河東等郡屬司隸置并州部刺史察舉太原上黨雲中鴈門等郡而不常所治東漢并州治晉陽唐貞觀初置河東道開元中置河東採訪處置使治蒲州後改採訪爲觀察其治仍舊宋置河東路經畧安撫使以太原守臣兼領元以冀寧諸路直隸省部置河東山西道宣慰使司於大同置河東山西道肅政廉訪司於冀寧 本朝置山西等處承宣布政使司領太原平陽大同三府澤潞汾沁遼五州潞至嘉靖中陞爲潞安府置山西都指揮使司領太原左太原右太

原前振武平陽潞州汾州鎮西瀋陽中九衛保德州寧化鴈門  
寧武偏頭蒲州沁州八角八所又置山西行都指揮使司領大  
同前大同後大同左大同右平虜雲川玉林陽 高山鎮虜天  
城威遠朔州安東中屯十四衛山陰馬邑 三所又置山西  
等處按察司分翼寧冀南冀北河東等四道兼察諸府州衛所  
並治太原至永樂十九年遣大理寺丞孫時巡撫山西考察官  
吏安輯軍民始有巡撫之名然事畢則止未有定員暨宣德五  
年命兵部右侍郎于謙巡撫河南山西二省而巡撫之設始定  
至正統十二年宇內多警始命都御史朱鑑專撫山西鎮守鴈  
門關遂命官更代歷天順元年三  
成化元年及成化九年十年

雖所議裁革尋卽復置相沿至今凡以輯寧全晉控制邊境者  
也其地古稱土瘠民貧生理甚艱往往以工藝後四方又北臨  
廣野北虜時窺伺抄掠爲患潞澤沁遼環列大行上下谷深林  
密盜時竊發所當懷懼瞿之思防患於未然謂不有本哉今詳  
各官宦歷於後其行實見於事紀其勲德茂著者表爲列傳若  
奉勅有事茲土者具另見於首云

皇朝列卿紀卷之一百二十二

勅使山西侍郎都御史年表

史仲成

陝西安化人永樂四年以右僉都御史採木五年還京詳都察院僉都

孫時

山東鄆城人永樂十九年以大理寺右寺丞巡撫山西地方考察官吏安輯軍民

鄒翰

浙江餘杭人景泰三年以禮部右侍郎考察官吏

杜銘

四川金堂人成化十一年以刑部左侍郎巡視邊關詳刑部

何喬新

見後成化二十三年以刑部左侍郎賑濟饑民

陳天祥

直隸吳縣人正德九年以僉都御史督理三關本年事竣還院詳都察院左副都

趙廷瑞

直隸開州人正德辛巳進士嘉靖二十一年以戶部右侍郎兼右僉都總督宣大山西偏保軍餉

王達

山東濱州人嘉靖乙未進士二十九年由大理寺丞陞右僉都御史清理山西屯田三十年回籍

唐繼祿

直隸上海人嘉靖癸丑進士隆慶二年以右副都御史總理山西屯田鹽法

吳允

浙江山陰人萬曆五年以兵部右侍郎兼右僉都御史總督山西宣大七年回部

鄭汝洛

直隸安肅人萬曆七年以兵部左侍郎兼右僉都御史總督山西宣大累加右都兵部尚書仍任

蕭大亨

山東泰安州人萬曆十七年以右都御史兼兵部右侍郎總督山西宣大

巡撫山西侍郎都御史年

于謙

浙江錢塘人進士宣德五年以兵部右侍郎巡撫河南山西正統十三年還部詳兵部尚書

朱鑑

福建晉江人鄉舉正統十三年以右僉都御史巡撫于順天永清人進士正統十四年以工部右

張敏

鎮守景泰元年回理部事詳工部侍郎

羅通

江西吉水人進士景泰元年以右副都御史鎮守山西本年還京協贊京營詳都察院右都

蕭啟

江西龍泉人宣德丁未進士景泰四年以都察院右僉都御史巡撫沃順元年致仕



馬 昇 直隸滄州人舉人天順元年以左都御史  
巡撫山西大同本年回院詳戶部尚書

本年裁革巡撫

李 侃 順天東安人正統壬戌進士成化二年  
以都察院左僉都御史巡撫七年致仕

雷 復 湖廣寧遠人進士成化八年由禮部右侍  
郎改右副都任十年卒於官詳禮部侍郎

本年裁革

秦 紘 山東單縣人進士成化十七年以左僉都  
御史巡撫宣府兼理山西詳戶部尚書

何喬新 江西廣昌人進士成化十七年  
以右僉都御史任詳刑部尚書

邊 鏞 直隸任丘人鄉薦成化二十年以右僉都御  
史任二十一年丁憂詳南京刑部右侍郎

葉 洪 直隸山陽人進士成化二十一年以右僉  
都御史任二十二年遷大同詳戶部尚書

左 鈺 直隸阜城人景泰癸酉鄉舉成化二十二年以都  
察院右僉都御史巡撫二十三年致仕詳都察院

程瑄

河南洛陽人進士成化二十三年以右僉都御史任詳南京刑部尚書

楊澄

四川射洪人成化己丑進士弘治三年以都察院右僉都御史巡撫五年卒於官

張敷華

江西安福人進士弘治六年以右副都任八年改撫陝西詳都察院左都

顧佐

直隸臨清人進士弘治八年以右僉都任九年改南院詳戶部尚書

侯恂

陝西白水人成化丙戌進士弘治十年以右僉都任十一年陞南京都察院左僉都

魏紳

山東曲阜人進士弘治十一年以右僉都御史任十三年遷撫應天詳刑部右侍郎

王鑑之

浙江山陰人進士弘治十三年以右僉都御史任十四年改撫鄖陽詳刑部尚書

何鈞

河南靈寶人成化乙未進士弘治十六年以右副都御史巡撫正德元年改戶部右侍郎總儲

徐節

貴州甯籍浙江壽昌人成化壬辰進士正德元年以右副都御史本年忤逆瑾回籍爲民瑾誅復職致仕

姜洪

直隸廣德人成化戊戌進士正德五年以右副都御史任本年卒於官

胡

瑞

河南內鄉人成化甲辰進士正德五年以右副都御史六年開任

王

璟

山東沂州人進士正德六年以右僉都御史本年回院詳都察院左都

鄭宗仁

直隸任丘人進士正德七年以右副都御史任詳戶部尚書

王

翊

直隸永平衛籍灤州人進士正德九年以右僉都御史任十一年降浙江左叅議詳兵部侍郎

李

鉞

河南祥符人進士正德十一年以右僉都御史任十三年召理院事詳兵部尚書

張

稔

順天平谷人弘治壬戌進士正德十四年以都察院右僉都巡撫嘉靖元年卒於官

胡

錠

直隸長垣人進士嘉靖元年以右副都御史任詳南京戶部右侍郎

畢

昭

山東新城人弘治己未進士嘉靖二年以右副都御史巡撫閩年丁憂

江

潮

江西貴溪人弘治己未進士嘉靖五年以右副都御史巡撫六年開任

常

道

直隸來安籍河南陳留人弘治乙丑進士嘉靖六年以右僉都御史任七年致仕

王應鵬

浙江郵縣人正德戊辰進士嘉靖七年以右僉都御史任本年丁憂詳都察院副都

劉大謨

河南儀封人正德戊辰進士嘉靖七年以右僉都御史任九年回籍後起撫四川

張翰

騰驤衛籍遠東廣寧衛人弘治乙丑進士嘉靖九年以右副都巡撫十年調叅政致仕後起巡撫四川右副都

黃鍾

直隸隆慶衛籍江西贛縣人正德辛未進士十三年由順天府丞嘉靖十年以右副都巡撫十一年致仕

毛伯溫

江西吉水人正德戊辰進士嘉靖十一年以右僉都御史起未任改撫順天詳兵部尚書

陳達

福建閩縣人弘治乙丑進士嘉靖十一年由大理寺右少卿陞都察院右僉都御史巡撫十二年回籍

王德明

直隸清苑人正德戊辰進士嘉靖十二年由太常寺少卿陞都察院右僉都御史巡撫十三年罷歸

任洛

河南鈞州人正德辛未進士嘉靖十五年以右副都御史任十四年改撫遼東詳戶部左侍郎

韓邦奇

陝西朝邑人正德戊辰進士嘉靖十四年以右副都御史任詳南京兵部尚書

路迎

山東汶上人正德戊辰進士嘉靖十七年由鄖陽右僉都陞右副都御史任十八年丁憂詳兵部尚書

陳

講

四川遂寧人正德辛巳進士嘉靖十八年以都察院右副都御史任二十年回籍閑行

劉

臬

湖廣鍾祥人正德辛巳進士嘉靖二十年以都察院右副都御史任二十一年論成

李

珏

直隸開州人弘治乙丑進士嘉靖二十年以右僉都御史任詳大理寺卿

曾

銑

直隸江都人嘉靖己丑進士二十年以右副都御史任詳陝西三邊總督右都

楊

守謙

彭城衛籍湖廣長沙人嘉靖己丑進士二十年以右僉都御史任詳保定超烈侍郎

孫

繼魯

雲南衛人嘉靖癸未進士二十六年以都察院右副都御史任本年下獄

蘇

祐

山東濮州人嘉靖丙戌進士二十六年以右副都御史任二十八年聖訓都右侍郎詳宣大總督尚書

石

遷高

山東恩縣人嘉靖己丑進士二十八年以都察院右副都御史任本年卒於官

應

楨

浙江遂昌人嘉靖丙戌進士二十八年以右僉都御史任詳兩廣總督侍郎

許

論

河南靈寶人嘉靖丙戌進士二十九年以右副都御史養病起任詳兵部尚書

趙時春

陝西平涼人嘉靖丙戌會元進士三十二年以都察院右僉都御史任本年開任

王崇

浙江永康人嘉靖己丑進士三十二年以右副都御史任詳川湖總督侍郎

閔煦

直隸任丘人嘉靖乙未進士三十五年以右副都御史任詳刑部尚書

魏謙吉

直隸栢鄉人嘉靖戊戌進士三十六年以右副都御史任三十七年陞總督陝西三邊詳兵部右侍郎

葛縉

山東昌邑人嘉靖乙未進士三十七年以右僉都御史任詳兵部侍郎

孟淮

河南祥符人嘉靖戊戌進士三十九年以右副都御史任四十年調應天府尹

楊宗氣

陝西延安衛人嘉靖辛丑進士四十年以右僉都御史任詳總督南京糧儲副都

萬恭

江西南昌人嘉靖甲辰進士四十二年以兵部左侍郎兼都察院左僉都御史任四十四年丁母憂

王繼洛

河南鄭州人嘉靖辛丑進士四十四年以右僉都御史任

楊巍

山東海豐人嘉靖丁未進士陸慶元年以右僉都御史任

新學顏

見史部侍郎山東濟寧人隆慶二年以右副都御史任

石茂華

山東益都人嘉靖甲辰進士隆慶四年起右僉都御史任陞兵部右侍郎

楊綵

江西泰和人虎賁衛指揮嘉靖癸丑進士隆慶五年以右僉都任

鄭洛

直隸安肅人嘉靖丙辰進士萬曆二年由浙江右布政陞右僉都御史任三年改撫大同

崔鏞

陝西綏德籍類上人嘉靖壬戌進士萬曆三年由岢嵐參政陞右僉都任四年十二月調用

孫應元

湖廣鍾祥人嘉靖壬戌進士萬曆五年五月由山西按察使陞右僉都任尋卒

高文薦

四川成都右衛人嘉靖己未進士萬曆五年四月由山西右布政陞右僉都任七年陞右副都仍任八年回院

辛應乾

山東安丘人嘉靖壬戌進士萬曆八年由山西左布政陞右僉都任十年加右副都仍任十年陞南京兵部尚

侯于趙

河南杞縣人嘉靖乙丑進士萬曆十一年由山西左布政使陞右副都任十二年丁憂

許守謙

直隸藁城人嘉靖乙丑進士萬曆十二年由岢嵐按察使陞右僉都任十三年加右副都仍任十五年改撫宣府

沈子沐

浙江歸安人嘉靖己未進士萬曆十五年由山西左布政陞右副都任十七年陞兵部右侍郎

李采非

瀋陽中屯衛籍新喻人嘉靖乙丑進士萬曆十七年由山西左布政陞右副都巡撫提督鴈門等關

朱孟震

江西新淦人隆慶戊辰進士萬曆十九年由順天府尹陞右副都巡撫山西



勅使山西行實

史仲成字

陝西慶陽府安化縣人洪武中太學生任桂林

府同知有政績永樂元年召陞都察院右僉都御史四年營北京宮殿命採木山西六年改鎮大同詳國初都察院僉都

孫時字

山東鄆城縣人洪武丙子舉人永樂十一年任大

理寺右寺丞十九年命巡撫山西地方考察官吏安輯軍民二十年留行在大理寺丞詳南京大理寺卿

鄒幹字宗盛浙江餘杭縣人正統己未進士景泰二年任禮部右侍郎三年奉勅考察山西官吏四年詔往河南鳳陽等

處救荒詳禮部尚書

杜銘字敬修四川金堂縣人正統乙丑進士成化十年歷刑部  
左侍郎十一年命巡視山西邊關十六年丁憂詳刑部尚書  
何喬新見巡撫成化二十三年以刑部左侍郎賑濟山西饑民  
命便宜行事乃奏發內帑并賣淮鹽得銀數萬又勸富民及僧道  
士庶得粟數十萬石選司府官分部賑濟死者葬之又飢民疏  
溝渠而償以粟勝活凡三十餘萬人招回復業者十四萬人詳

刑部尚書

陳天祥字元吉直隸吳江人弘治丙辰進士正德九年任都察  
院左僉都御史會宣大虜患方劇會推提督經理山西三關至  
則軍令一新虜聞風遁去乃大修邊備增置戍兵易將領

進左副都御史詳都察院副都

巡撫山西行實

于謙字廷益浙江錢塘縣人永樂辛丑進士任御史宣德五年  
山西河南災 上親擢爲兵部右侍郎巡撫河南山西在山西  
奏革鎮將後軍耕種之弊入其田爲軍屯以大同遠在北邊奏  
專差御史巡歷遂永爲例議處修築鴈門軍後議派柴炭人夫  
通融有法仍奏減七分之一以甦民困設法招撫流移奏免所  
欠稅糧使有固志著令有司考績以有無流民爲殿最晉地霜  
蚤田薄輸邊之稅多折資金銀奸民恒竊逃奏官解以壯其弊  
且請免煎銷以便分給大爲民利嘗夜經大行山有羣盜持兵

噪而前謙厲聲叱之皆驚散其德威所著如此叅議劉孔宗律身嚴寡合衆構賊汚之卽奏白其誣以舉代罷爲大理左少卿二省民洎親藩乞留乃復命巡撫以不媚權貴一出十八年正統丁卯回部詳兵部尚書

朱鑑字



福建泉州府晉江縣人永樂丁酉鄉舉正統十三

年以都察院右僉都御史巡撫山西十四年移守鴈門關尋陞右副都御史仍前任景泰三年致仕

張敏字懋學順天永清縣人宣德癸丑進士正統十四年以工部右侍郎鎮守山西地方景泰元年回部詳工部侍郎

羅通字學古江西吉水縣人永樂壬辰進士擢御史景泰元年

以都察院右副都御史鎮守山西嘗從北征設方畧白當一面  
鼓行而前深入沙漠北虜遠遁本年還京詳都察院右都

蕭啟字斯陽江西吉安府龍泉縣人宣德丁未進士景泰四年  
以都察院右僉都御史巡撫天順元年致仕

馬昂字景高直隸滄州人永樂癸卯舉人天順元年以左都御  
史巡撫山西大同本年回院詳戶部尚書

本年裁革

李侃字  
順天府東安縣人正統壬戌進士成化二年以都  
察院左僉都御史巡撫七年致仕

雷復字  
湖廣寧遠縣人正統丙辰進士天順四年任廣西

副使時藤縣民胡趙成構峽賊攻陷諸縣治復同叅將范信討斬之五年山東左布政成化七年陞禮部右侍郎八年改右副都御史任十年卒於官

本年復革

秦紘字世纓山東單縣人景泰辛未進士成化十七年以左僉都御史巡撫宣府兼理山西詳戶部尚書

何喬新字廷秀江西廣昌縣人景泰甲戌進士任南京禮部主事累官湖廣右布政成化十七年以右僉都御史任兼督三關時連歲饑旱乃發倉粟減價糶之民賴以濟北虜寇邊乃伏兵灰溝與戰斬獲甚衆陞左副都御史奉勅清理刑獄辨沉寃

察隱匿咸當人心二十一年召爲刑部左侍郎詳刑部尚書

邊鏞字克振直隸任丘縣人景泰癸酉鄉薦歷膳黃右通政成化二十年以右僉都御史巡撫有以事干沮者輒正色曰吾知守法而已屈法誓所不爲虜寇大同乘勝至關下鏞奮然督命據險設伏待之虜引去二十一年丁憂詳南京刑部右侍郎

葉淇字本清直隸山陽縣人景泰甲戌進士成化十九年任河南按察使二十一年以右僉都御史任二十二年改撫大同詳戶部尚書

左鈺字廷珍直隸阜城縣人景泰癸酉鄉薦成化元年拜監察御史丙戌督理兩淮鹽法豪強斂跡而鹽有餘課已丑按福建

風紀不振人有真御史之頌壬辰陞陝西僉事討賊有功上  
有銀牌表裏之賜己未陞本司副使戊戌討岷州叛虜捷至加  
從三品俸壬寅陞按察使癸卯陞右僉都御史巡撫遼東二十  
年改巡撫大同右僉都御史推佐理院事未幾勅撫山西有  
寶鑑金織之賜尋被論致仕

翟瑄字

■

河南洛陽縣人天順甲申進士成化二十三年任

都察院右僉都御史改撫山西弘治二年陞理院事左副都御  
史詳南京刑部尚書

楊澄字

■

四川潼川州射洪縣人成化己丑進士二十三年

任大理寺左寺丞弘治三年陞本寺左少卿本年陞右僉都御



史巡撫山西兼理三關五年卒於官

張敷華字公實江西安福縣人天順甲申進士弘治四年陞右副都御史巡撫山西道聞母喪六年服闋仍舊任歲歉奏暫增解池鹽課以補王府祿米會霖雨躬禱於神池獨不壞歲給大同邊餉多用折納乃請大原以北可通車者運米民便之未幾改撫陝西詳都察院左都

顧佐字良弼直隸臨淮縣人成化己丑進士弘治七年任大理寺左少卿八年以右僉都御史巡撫提督諸關九年改提督操江詳戶部尚書

侯恂字

陝西西安府白水縣人成化丙戌進士弘治十年

以巡撫大同右僉都御史致仕起任十一年陞南院左僉都

魏紳字廷佩山東曲阜縣人成化辛丑進士授刑部主事歷南

大理寺右寺丞弘治十一年以右僉都御史任歲旱奏減徵稅

四分之一築偏關邊牆四十餘里增墩堡五十餘所又拓寧武

關城募士兵置營舍十三年改撫應天詳刑部侍郎

王鑑之字明仲浙江山陰縣人成化戊戌進士弘治十三年以

右僉都御史任至則增要害撫軍士禦虜有方又劾太監總兵

等官羅玉等巧取軍士財物邊境肅然十四年改撫鄖陽詳刑

部尚書

何鈞字仲衡河南靈寶縣人成化乙未進士戊戌授太常寺博

士辛丑簡浙江道御史捕盜京畿東路出閱寧夏邊儲防禁不弛巡按四川折播州楊友鶴弟之誣安置保寧以憂歸服闋改山東道刻諸司文卷姦無所宿名益起弘治九年擢大理右寺丞十年轉左遼東貢夷爲官軍誘殺鈞直其事不爲勢屈十一年進右少卿十二年轉左勘陝西大獄據法原情多得未減癸亥擢右僉都巡撫山西兼督諸關治武官賸削軍士禁二司抑價買物晉王妃父怙勢驕縱有司不能制欲發其姦其人自引咎伏門三日勒令改正乃已乙丑歲疫太原平陽饑民多轉徙鈞賑貸招集復業虜乘間入寇鈞斬崖設筭出兵邀之賊遁去正德丙寅旱黜貪理獄雨遂霑足陞督儲戶部侍郎詳總儲

徐節字

貴州衛籍浙江壽昌縣人成化壬辰進士正德元

年以右副都御史巡撫本年忤逆瑾回籍爲民瑾誅復職致仕

姜洪字

直隸廣德州人成化戊戌進士歷御史二十三年

疏劾內閣萬安劉吉不報弘治元年命巡河益厲風紀專疏劾

劉吉舉李東陽謝遷等吉深啣之復陳言八事一曰正君心二

曰務聖學三曰納諫諍內言進士李文祥不宜斥逐四曰辨邪

正五曰禁近習言內侍不宜干政事六曰黜異端言內府有佛

道精舍胡鬼塑像宜撤毀并天下僧道宜清齋僞七曰省進奉

言內官監運貢物多載私貨用船十餘艘宜令文職押運八曰

慎始終言守初詔不變不報尋按湖廣會以稅糧事令布政司

抄案轉行漕運都御史秦紘奏洪犯分刑科都給事陳瑋等  
駁論紘數日不明十三道御史論紘剛愎劉吉稟旨俱罰俸以  
事干大體令禮部會議調洪知縣議者謂 朝廷處置洪等得  
體而紘所奏亦關於憲體云正德五年以右副都御史任本年  
卒於官

胡瑞字 [REDACTED] 河南南陽府內鄉縣人成化甲辰進士正德五年  
以右僉都御史任

王璟字廷采山東沂州人成化壬辰進士歷御史弘治六年陞  
光祿少卿十三年陞南京鴻臚寺卿十四年陞右僉都御史理  
兩淮鹽法通變革姦十六年 命賑浙東饑上要宜十事奏減

稅糧及省軍糧三十萬十七年改撫保定疏添官增社處置馬價免立皇莊請罷諸墾田歸之民正德丙寅命管院事逆瑾矯詔罷歸辛未薦起巡撫山西時巨盜流劫河東至則設險防禦製火鎗萬餘攻守具備斬獲數多賊望風遁晉藩歲祿告乏璆謂不足生於不均富強兼併貧弱窘削革去買頭重冒之利宿弊以清疏請改徵兵工部歲派諸郡花椒木版及戰馬四千以甦困弊表諸邑貞烈婦女以扶綱常本年陞協院右副都御史詳都察院左都

鄭宗仁字

直隸任丘縣人成化丁亥進士任禮科右給事

中弘治六年陞尚寶司丞十五年陞卿十七年陞南太僕寺少

卿正德二年改太常寺六年陞南太僕寺卿改光祿寺卿七年陞都察院右副都御史任九年陞總儲戶部右侍郎詳總儲戶部尚書

王翊字

直隸永平衛籍灤州人弘治己未進士歷順天府

尹正德九年以右僉都御史任十一年降浙江左叅議見南大理寺卿詳兵部右侍郎

李鉞字虔甫河南祥符縣人弘治丙辰進士正德十一年以右僉都御史任十三年回院詳兵部尚書

張稽字

順天府平谷縣人弘治壬戌進士正德六

年任大理寺左寺丞七年陞本寺右少卿本年轉左九年陞都

國朝列卿紀卷之一百二十二  
察院右僉都御史巡撫宣府十年丁憂十四年起原官巡撫山西嘉靖元年卒於官

胡錠字

直隸長垣縣人弘治己未進士正德十六年任浙

江左布政使嘉靖元年陞都察院右副都御史巡撫山西二年改督漕運詳南京戶部右侍郎

國朝列卿紀卷之一百二十二終